

281.6

4-21

1908p.

ՀԱՆՈՆՔ

ԵԿԵՂԵՑԱԿԱՆ ՊԱՇՏԱՄԱՆ
ԸՆՏՐՈՒԹԵԱՆ ԿԱԹՈՒՂԻԿՈՍԻ
ԱՄԵՆԱՅՆ ՀԱՅՈՑ

Ի Մ. ՏԱՃԱՐԻ Ս. ԷԶՄԻԱԾՆԻ.

Կ ա զ մ ե ց

Մայր Տաճարի Լուսարարապետ

ՂԵԻՈՆԴ ԵՊԻՍԿՈՊՈՍ

Վաղարշապատ

Տպարան Մայր Աթոռոյ Սրբոյ Էջմիածնի

1908

281.6

4-21

ՀՐԱՄԱՆԱԻ

ԱՄԵՆԱՊԱՏԻԻ Տ. ՏԵՂԱԿԱԼԻ ԿԱԹՈՒՂԻԿՈՍԻ

ԱՄԵՆԱՅՆ ՀԱՅՈՅ

Բարձ. Սրբազան ԴԷՈՐԴ. ԱՐԲԵՊԻՍԿՈՊՈՍԻ



դօժք նախքան զբանալ ժողովոյն ընտրու-
թեան Կաթողիկոսի, զոր առաջի սեղանոյ իջման Տեղւոյն
ասէ Ատենապետն ժողովոյն:

Օրհնեալ Տէր մեր Յիսուս Քրիստոս ամէն:
Հայր մեր որ յերկինս ես, ոուրք եղիցի
անուն քո, և այլն:

Ապա Սաղմու ԶԹ. ասեն երկու Եպիսկոպոսունք:

Զգործս ձեռաց մերոց ուղիղ արոն ի մեզ
Տէր. և զգործս ձեռաց մերոց յաջողեան մեզ:

Տէր ապաւէն եղեր մեր յազգէ մինչև յազգ-
մինչև լերինք Հաստատեալ էին, և մինչև
ստեղծեալ էիր զերկիր և զամենայն տիեզերո:

Յաւիտենից մինչև յաւիտեանս դու ես. մի
դարձուցաներ զմարդ ի տառապանս. և ո-
սացեր դարձարուք առիս որդիք մորդկան:

Հազար ամ յաչս Տեառն որպէս օր երեկի՝
զի էանց, որպէս պահ մի գիշերոյ. և ամբ
նոցա անարգութեամբ եղիցին:

Ընդ առաւօտս որպէս դալարի բուսցին.
ընդ առաւօտս որպէս դալարի զուարճացին
և ծաղկեացին. ընդ երեկոյս թարշամեացին
չորացին և անկցին:

Նուաղեցար մեք ի բարկութենէ քումմէ,
և ի սրամոռութենէ քումմէ խուսկեցար:

Եղեր զմեզս մեր առաջի քո. և զկեանս
մեր ի լոյս երեսաց քոց:

Ամենայն աւուրք մեր նուազեցան, և ի
բարկութենէ քումմէ խռովեցաք:

Ժամանակ ամաց մերոց անդադար որպէս
սարդի. և թիւ աւուրց ամաց մերոց ինոսա
եօթանասուն ամ:

Ապա թէ առաւել ևս՝ ութսուն ամ. և
որ ինչ աւելի է քան զայն, ցաւօք և հեծու-
թեամբ:

Եկն ի վերայ մեր հեծութիւն և խրատե-
ցաք, իսկ արդ՝ ո՞ գիտացէ զօրութիւն բար-
կութեան քո. և կամ յաչէ քումմէ զսրտմը-
տութիւն քո համարեսցի:

Այսպէս ցոյց ինձ զաջ քո, և որք խոնարհեն
սրտիւք, զիմաստութիւնս քո:

Դարձ Տէր՝ մինչև յերբ. մխիթարեաց
ի ծառայս քո:

Լցաք առաւօտու ողորմութեամբ քով.
ցնծացաք և ուրախ եղաք զամենայն աւուրս
կենաց մերոց:

Ուրախ եղաք փոխանակ աւուրցն՝ յորս
խոնարհ արարեր զմեզ. և ամացն՝ յորս տե-
սաք զչարհարանս:

Հայեաց Տէր, ի ծառայս քո և ի գործս
ձեռաց քոց, և առաջնորդեա՛ որդւոյ նոցա.

եղիցի լոյս Տեառն Աստուծոյ ի վերայ մեր:

Զգործս ձեռաց մերոց ուղիղ արա՛ ի մեզ
Տէր. և զգործս ձեռաց մերոց յաջողեա՛ մեզ:

Փառք Հօր և Որդւոյ և Հոգւոյն սրբոյ. ևւն:

սչադո

աստմ

Մին յեպիսկոպոսաց ասէ.

Ի մէջ տաճարիս, և առաջի Աստուածընկալ
և պայծառացեալ սուրբ նշանացս, և սուրբ
սեղանոյս՝ խոնարհեալ երկիւղիւ երկիրպագ-
նեմք. զսուրբ և զհրաշալի և զյաղթող զՅա-
րութիւնդ Քո օրհնեմք և փառաւորեմք. և
քեզ մատուցանեմք զօրհնութիւն և զփառս
ընդ Հօր և ընդ սրբոյ Հոգւոյդ, այժմ և միշտ
և յաւիտեանս յաւիտենից, Ամէն:

Եւ միւսն ասէ.

Հովիւ քաջ, Հովիւ բարի և յաւիտենա-
կան. նայեաց և այց արա՛ բանաւոր հօտի
քո, զոր ժողովեցեր առ քեզ գթութեամբ
քով: Զի քո առաջի կամք, Տէր, և առ ի Քէն
ողորմութեանցդ և գթութեանցդ ակն ու-
նիմք: Զամենեսեան օրհնեա՛, զամենեսեան
իմաստնացո՛, զամենեսեան լուսաւորեա՛ և
ամենեցուն պարգևեա՛ զերկնից արքայու-
թիւնդ: Վասն զի Դու ես Տէր կենաց և
Աստուած ողորմութեանց, և քեզ վայելէ

փառք, իշխանութիւն և պատիւ. այժմ և միշտ ևլն:

Իսկ յետ աւարտման ընտրութեան Կաթողիկոսի՝ Աստեւակետն ծանուցանէ ժողովոյն զվերջաւորութենէ գործոյն. և ապա երգեն զՇարահանն.

ԴԶ.

«Թագաւոր փառաց Աստուած Հոգիդ կենդանարար՝ ի շնորհաբաշխ յաւուր մեծի ծննդեան Մարիամու դստեր Դաւթի Թագաւորի նորոգեան զկենդանութիւն մերոյ Թագաւորին. զի օրհնեսցուք զքեզ Տէր այժմ և յաւիտեան:

Աղբիւր կենաց և փրկութեան մերոյ Հոգի Հօր և Որդւոյ՝ ի յարմատոյն Յեսեայ բղիման գաւազանի հասեալ ժամու՝ շնորհազարդ պայծառացի զգաւազան իշխանութեան մերոյ Հայրապետին. զի օրհնեսցուք զքեզ Տէր, այժմ և յաւիտեան:

Լրումն աշխարհի և ճառագայթ իմանալի Հոգիդ Սուրբ Աստուծոյ՝ ի ցնծութեան աւուր լրման ուրախութեան Յովակիմայ և Աննայի՝ աղօթիւք սոցա լցի զպէտս կարեաց Հայաստանեայց եկեղեցւոյ. զի օրհնեսցուք զքեզ Տէր այժմ և յաւիտեան»:

Եւ ապա Աստեւակետն ասէ.

Պահպանիչ. Հայրմեր. Եւ արձակին ի խաղաղութիւն:

ԿԱՆՈՆ

Նաւակասեաց Օծման Կաթողիկոսի ամենայն Հայոց
ի Հայրապետիսին:

Յերեկոյի շաբաթուն նախքան զժամերգութիւնն՝ ամենայն կարգի և աստիճանի միաբանութիւնն Մայր Աթոռոյս զգեստաւորեալ չուրջաօր, խաչօր և խաչվառովք, բուրվառօր և կերոնօր և ամենայն եկեղեցական զարդօր ելեալ ի նախադուռն վեհարանի, սպասեն առ վայր մի, մինչև Վեհափառ Հայրապետն իջեալ ի Վեհարանէն՝ կանգնի ի գլուխ հանդիսականաց ի ներքոյ հովանոցին այսու հանդիսի:

Ա. Շաթիրք երկուք կարմիր հանդերձիւք, ի ձեռս ունելով զարծաթադլուխ ձեռնափայտս (տաճատ, տոս).

Բ. Խաչակիր դպիրք մի զոյգ.

Գ. Խաչվառակիր դպիրք մի զոյգ.

Դ. Քահանայք, վարդապետք և եպիսկոպոսուհք շուրջառօր՝ յերկուս դասս քաժանեալ.

Ե. Երգեցիկ խումբն ժամաշապկօք՝ ընդ մէջ վարդապետաց և եպիսկոպոսաց.

Զ. Բուրվառակիր չորեք՝ երկու վարդապետք և երկու սարկաւագք.

Է. Հայրապետական դրօշակակիր խաչ և գաւազան կրող երկու վարդապետք.

Ը. Հայրապետական ոսկեթել քօղ կրող
երկու հասակաւոր դպիրք.

Թ. Հայրապետական հովանին կրող չորս
քահանայք.

Ժ. Եւ ի գլուխ ամենեցուն վեհափառ
Հայրապետն.

Հայրապետն ասէ.

«Օրհնեալ Տէր մեր Յիսուս Քրիստոս, ամէն.

Եւ բուրվառակիր սարկաւազն առ ընթեր կացեալ
ասէ բարձր ձայնիւ.

«Եւ ես խաղաղութեան զՏէր աղաչեա-
ցուք՝ ընկալ՝ կեցո՛ւ և ողորմեա՛ւ»:

Հայրապետն ասէ.

«Օրհնութիւն և փառք Հօր և Որդւոյ և
Հոգւոյն սրբոյ, այժմ և միշտ և յաւիտեանս
յաւիտենից. ամէն»:

Եւ ապա՝ երգեցիկ խումբն երգէ ԳԶ. Շարականն,

«Հրաշափառ Աստուած և միշտ բարեխնա-
մող, որ յառաջ գիտութեամբ զփրկութիւն
Հայաստանեայց սկզբնաւորեալ ի Պարթևա-
կան մեղսալարտ ազգէն Լուսաւորիչ մեզ շնոր-
հեցեր. վասնորոյ բարեխօսութեամբ սորա
Փրկիչ կեցո՛ւ զմեզ այժմ և ի Քո յահաւոր
գալստեան»:

Եւ զայս Շարականն ասելով թափօրն գնայ յեկեղե-
ցին. և մինչ հասանեն ցաւագ դուռն եկեղեցւոյն՝ երգիչքն
երգեն ԳԶ. Շարականն

«Ուրախ լեր սուրբ եկեղեցի, քանզի Քրիս-
տոս արքայն երկնից այսօր պսակեաց զքեզ
խաչիւն իւրով, և զարդարեաց զամուրս քո
սքանչելի փառօքն իւրովք»:

Ջնարականն երգելով մտանն ի տաճարն՝ ուր առաջի
իջման տեղւոյն կանգնեալ Հայրապետն՝ ասացէ զՍաղ-
մոսն ծիս.

«Ուրախ եղէ ես, ոյք ասէին ցիս ի տուն
Տեառն երթիցուք մեք»:

Եւ այսպէս փոխ առ փոխ ասացեն ցվերջն ընդ Աւագ
Լուսարարին զՍաղմոսն: Յետ որոյ սարկաւազն ասացէ

«Սուրբ խաչիւս աղաչեսցուք զՏէր» և ըն.
Հայրապետն ասացէ զաղօթս.

«Ի մէջ տաճարիս և առաջի սուրբ սեղանոյս
խոնարհեալ երկիւղիւ՝ երկիրպագանեմք», և ըն:

Յաւարտ արարողութեանս սկսանի երեկոյեան ժա-
մերգութիւնն ըստ կարգին

«Խոնարհեցո՛ւ, և Ապրեցո՛ւ, Լոյս զուարթ և
Հասեալքս»:

Եւ որ ըստ կարգին.

«Սուրբ Աստուած որ խաչեցար»,

Յատեանն ասացեն, Համբարձին

«Սուրբ խաչիւս լեր սուրբ եկեղեցի»:

Զկնի որոյ ասացեն

«Կեցո Տէր», և այլն: Եւ ապա արձակի
եկեղեցին:

Ապա նովին կարգաւ միաբանք տանեն զՀայրապետն
լուեւայն ի վեհարան:

Կ Ա Ն Ո Ն

Վասն կարգապահութեան հանդիսի Օծման Վեհափառ
Հայրապետի ամենայն Հայոց:

Յաւուր օծմանն՝ ընտրեալ ի Հայրապետութիւն՝ ի ժամ
կատարման սրբոյ Պատարագի՝ յետ ասելոյ

«Զի ողորմած և մարդասէր ես Աստուած
գորով»:

Աղօթիցն՝ անկանի ի ծունկս յԱւագ սեղանի Տաճա-
րին, և երկոտասան եպիսկոպոսունքն զգետտաւորեալք՝
կացցեն շուրջանակի Հայրապետին ի սեղանի անդ, և սկսանի
կարգ օծմանն այսպէս.

Նախ՝ երկու եպիսկոպոսունք ասասցեն տուն առ տուն
զՄաղձոսն ԶԸ.

«Զողորմութիւնս Քո Տէր յաւիտեան
օրհնեցից»:

Մինչև ցայն տունն՝ որ ասէ

«Հաստատեցից յաւիտեանս յաւիտենից
զաթող Քո»:

Յետ որոյ՝ ասասցէ զբարոզն

«Աղաչեսցուք զմարդասէրն Աստուած»:
և այլն:

Ապա՝ երկոտասան եպիսկոպոսունքն միասին ասասցեն
ձանիւ երկոյս.

«Աստուածային և երկնաւոր շնորհ, որ
միշտ ընու զպէտս սրբոյ առաքելական Եկե-
ղեցւոյ» ևլն:

Յետ այսր աւագագոյն Արքեպիսկոպոսն զնոյնն ա-
սասցէ թիւ

«Աստուածային և երկնային շնորհ»:

Յետ որոյ երկոտասան եպիսկոպոսունքն միանգամայն՝
գնելով զձեռս ի վերայ գլխոյ Հայրապետին՝ միասին և
միաբերան ծանր առողութեամբ բառ առ բառ ասասցեն.

«Մէք զնեմք զձեռս ի վերայ Սորա և դուք
ամենեքեան աղօթս արարէք» ևլն:

Ապա ընթերցցի աղօթք

«Գոհանամք զքէն Աստուած մշտնջենա-
ւոր» և այլն:

Յետ այսր՝ ընթերցցի գիրքն եկից

«Խօսեցաւ Տէր ընդ Մովսիսի»:

Ընթերցցի գիրքն Բ. Թագաւորութեանց

«Եւ եկին ամենայն ծերքն Իսրայէլի»:

Ընթերցցի գիրքն Եզեկիէլ Մարգարէի.

«Եւ եղիցի ի մտանել քահանայից» ևլն:

Ընթերցցի գիրքն Եսայեայ Մարգարէի

«Բայց դուք քահանայք Տեառն կոչեսջիք»:

Ընթերցցի գիրքն Պետրոսի Առաքելոյն

«Ի բաց թօթափել այսուհետեւ» ևլն:

Ընթերցցի Աւետարանն Մատթէոսի

«Եւ ելեալ ի կողմանս Փիլիպպայ» յետ որոյ
ասասցէ և զ«Հաւատամք»ն, և վերաբերեսցէ
զՍ. խորհուրդն:

Եւ մինչ հասանեն ցմրջոյնն՝

Ասասցեն բարձրաձայն տուն առ տուն զբարոզն.

«Աստուածմեծ և սքանչելագործ զօրու-
թիւն» ևլն:

Յետ ձայնաւոր քարոզիս՝ ընթերցցի աղօթք
«Տէր Աստուած արարիչ ամենայն արա-
րածոց»։ և այլն։

Յետ որոյ նոյն ինքն աւագագոյն Արքեպիսկոպոսն
առեալ ի սեղանոյն զԱղաւնին միւռնոնի, և եկեալ առ Հայ-
րապետն՝ որ ի ծունկս անկեալ իցէ, հեղցէ զՍ. Միւռնոն
ի վերայ դադաթան Հայրապետին՝ ասելով բարձրաձայն՝
ձայնակցութեամբ ամենեցուն զՀոգեգալստեան Շարականն։

«Աւաքելոյ Աղաւնոյ» և այլն։

Եւ երկրորդ անգամ հեղլով ասացէ։

«Աննիւթական Աղաւնի», և այլն։

Եւ երրորդ անգամ հեղլով ասացէ։

«Օրհնութիւն ի բարձունս», և այլն։

Իսկ դպիրքն ի վերջ Շարականիս ասացեն ձայնիւ ծանր

«Ամէն Ալէլուեան, ալէլուեան, ալէլուեան»։

Եւ երկուստան եպիսկոպոսունքն ի միասին զհեղեալ
ի գագաթ Հայրապետի զՄիւռնոնն՝ բոյթ մատամբ իւրեանց
նկարեացեն ի վերայ գագաթանն յիւրաքանչիւր կողմանց,
և ընդ նմին ամենեքեան միաբերան ասացեն ձայնիւ

«Օրհնեսցի, Օծցի, և Սրբեսցի գագաթ
(այս անուն) Կաթողիկոսիս այս նշանաւ
սուրբ խաչիւս և սուրբ Աւետարանաւս և սրբ-
բալոյս մեռնաւս և աւուրս շնորհիւ,
անուամբ Հօր և Որդւոյ և Հոգւոյն սրբոյ»։

Յետ Օծմանն ասլա՝ աւագագոյն Արքեպիսկոպոսն
առեալ յԱւագ Լուսարարէ զՀայրապետական սպիտակ
քօղն՝ արկանէ ի վերայ գլխոյ Հայրապետին, նոյնպէս
ստանալով յԱւագ Լուսարարէ զՀայրապետական Կօնքեռն՝
կապէ զգօտեաւ Հայրապետին յաջոյ կողմանէ, և տայ
ի ձեռն զՀայրապետական Գաւազանն։

Իսկ դպիրքն ի ժամ յիշեալ գործողութեանց՝ այն է
յարկանելն զքօղն, ի կապելն զԿօնքեռն, և ի տալն զգա-
ւազանն՝ երգեսցեն զՇարականն ԳԶ.

«Այսօր ուրախացեալ ցնծան երկնից բազ-
մութիւնք»։ Եւ «Որք արժանաւորեցայք դալ
ի փառատրութիւն», ևլն։

Յետ այսր՝ տուն առ տուն երկու եպիսկոպոսք ասա-
ցեն Սաղմոս ԻԲ.

«Տէր Հովուեսցէ զիս»։ ևլն։

«Ի վայրի դալարւոյ անդ բնակեցոյց զիս»։

Ապա ընթերցցի գիրքն Պետրոսի Առաքելոյն.

«Զերիցունս այսուհետեւ աղաչեմ»։

Յետ որոյ՝ ընթերցցի Աւետարանն Յօհաննու.

«Եւ իբրեւ ճաշեցին»։ և այլն։

Եւ յաւարտին սարկաւագունք երգեսցեն

«Ղովոյնն»։

Եւ եպիսկոպոսունքն համբուրելով զգագաթ Հայրա-
պետին տան զղղոյնն ըստ կարգին։

Եւ Հայրապետն այնուհետեւ կատարէ զխորհուրդ
սուրբ Պատարագին։ Իսկ զգետաւորեալ եպիսկոպոսունքն
կացցեն յաջմէ և յահեկէ սեղանոյն ցաւարտ Պատարագին։

Յաւարտ սրբոյ Պատարագին դպիրքն երգեսցեն զԳԶ.
Շարականն

«Երբ Հրաշափառ Աստուած»։

Եւ թափօր կազմեալ բովանդակ ուխտին միաբանու-
թեան զգետաւորեալ ըստ կարգին՝ զանգահարութեամբ
տանեն զՀայրապետն ի Վեհարանն՝ բուրվառք, խաչք և
խաչվառք. և ի մտանելն Հայրապետին ի զարդարեալ
վերնատունն, ի ծաղկեալ գահին Վեհարանին՝ դպիրքն
երգեն զՇարականն ԳԶ.

«Այսօր Քաջանայապետ ճշմարիտ Աս-
տուածային օրինօքն պատուեալ»։ և այլն։

Յետ որոյ՝ սարկաւազն քարոզէ.

«Սուրբ խաչիւս»,

եւ Հայրապետն առէ

«Պաշպանիչ, Հայր մեր և Օրհնեալ եղե-
րուքն»,

եւ նստեալ յԱթոռ հանգստանայ, ուր և ապա ամե-
նեքեան մատչին ի համբոյր Սչոյ նորապսակ Ս. Հայ-
րապետին. և ընկալեալ զՀայրապետական օրհնութիւնն,
արձակին։



ՀՀ Ազգային գրադարան



NL0158923

79-28385

